

敘

三十年爲一世余交穀人先生一世矣性情心術屢不涉治有
深於語言文字之外者即以語言文字論先生之詩非猶夫人
之詩也文非猶夫人之文也詞賦非猶夫人之詞賦也必先有
以得夫事之真情之合體驗融會而後滔滔汨汨筆之於書無
所扞格京師釣魚臺桃花崇效極樂法源三寺海棠牡丹菊花
澄懷園淨業湖荷花檀栢桂花皆稱極盛先生喜遊又喜借余
遊遊必有詩紀勝當夫酒酣笑樂俯仰今昔落落自喜蕭愴曠
放雲之行也水之流也風之來也氣候之變幻也山川之倣詭
也若有意若無意及發而爲詩文則萬象包納幽者顯昧者揚
堅者瑣者靡不摧且理焉噫何其大也先生在京師續刻詩集
徵余敘今養病江上七八年矣家貧課生徒自贍而四方乞詩

文者履滿戶外近寄書云拙作久宜覆瓿徒以區區之心不能
割捨合並前作別有增刪業已付刊約春夏之交便可正諸有
道前承高文弁首係專指續刻而言倘得渾括全詩益之獎借
尤爲銘感先生名重中外詩文集凡數鐫板賈人藉漁利致富
高麗使至出金餅購有正味齋集版肆爲一空何藉自刻其集
又何藉鄙人之敘哉然少陵不云乎老去漸於詩律細矜慎之
至耳又以余聞詩教於先生三十年親見摻筆作文章甘苦有
以得其真出言必能傳信故不屬高才鴻儒而屬余焉果此意
耶則先生之集安得不重刻又安得不徵余敘哉附驥以傳謂
非余之厚幸也歟嘉慶十三年四月二十五日同館侍生法式
善序

有正味齋詩集卷一目錄

錢塘 吳錫麒 聖徵

寶石山樓始存稿

湖州展謁祀墓信宿舊廬感賦三首

企喻歌二首

有所思

北印山行

城西曲贈胡竹城應焜

瑞石洞

讀放翁集

初雪

南潯舟中同問渠叔作

懷友人讀書湖上

過蓮社庵

南湖絕句三首

觀夜潮

雲林寺訪慧朗上人

送客渡江

沙河晚歸

荅友三首

劉春及廷楷齋中賦水仙

新燕篇

春暮東岡澄源春加

城南徐氏宅觀牡丹分賦得九言體

遊宗陽宮

東園

鳳凰山懷古

秋夜湖上

消寒絕句六首

簡舒古廉

紹言

湖上觀新綠

夏曉同舒古廉周澄源渡湖至丁家山

繇靈石下玉鉤橋尋句曲外史墓

登風篁嶺遂達龍井

晚入楊梅隴宿師子林

曉起冒霧出山沿九溪十八澗抵翁家山

過理安寺觀法乳泉

還經烟霞嶺尋石屋洞

秋郊晚眺二首

楊丈硯雨華畫梅見貽賦謝

雪霽

同人買舟出東新關暮抵橫塘宿胡氏古香書屋明自

曉起由半山橋入三塔觀梅得詩四首

硯雨丈自三塔歸畫梅數十幀以其一貽余且曰不可

無咏因作二絕句報之

春燕和劉春及韻

送硯雨丈還京

黃葉

皇親巷邵家園歌

剪橙小集二首

雪中吳山晚望

雨霽

西湖夜泛

秋日出遊得八絕句

偕施藻嵐於蔡柳堂鵬沈臞菴士鉉入楊梅隴訪三祇

上人畱宿師子林同作二首

正月九日再同施藻嵐胡竹城沈臞菴遊楊梅隴用前

韻二首

題趙彝齋雙鈎水仙

秋日雜詠八首

秋日同人東園小集得鐘字

冬菜十二韻

有正味齋詩集卷一

錢唐 吳錫麒 聖徵

寶石山樓始存稿

湖州展謁祖墓信宿舊廬感賦三首

潛姿闕陰壑迅羽翔高穹宇宙各有託顯晦道不同余生守蓬
藿敢信能固窮食德仰先疇慨然思農功汙汙溪中水謾謾松
下風百年丙舍遠精氣自感通遺澤在耒耜忍饑望年豐白雲
一杯酌哀響生枯楓爲我語疇昔落日來田翁

茅屋緣溪邊云是先世宅守冢人雜棲頽敗僅四壁旁尋桑徑
通遠見稻堆積場空人影小寒月瀉初白稚子出門迎揖我翻
謂客殷勤敦禮意雞黍無遜情緬昔綢繆心詎止計安適井甕
不可尋青苔掩陳跡奠本葉知根探源泉有脈做廬吾所愛夢

寐慰今夕

信宿極流連流連意難已
比鄰各相欵酒薄味能旨
恭唯祖宗舊流惠播粉梓
沒世猶勿諼愛敬及孫子
田歌互酬唱情話雜悲喜
指示松楸間清蔭近尤美
詩書不饋貧遑敢希膺仕
服稽倘有秋歸學荷耨始

企喻歌

朔風吹蓬蒿驚沙落如雨
鷓子不見來黃雀相爾汝
快馬不絡頭報讎走千里
日暮悲風生磨刀隴頭水

有所思

妾居長千里郎客巴陵州
潮來與潮去同在門前流
流過相思去長江無盡頭

北邙山行

朝望北邙山其下有車馬紛紛白衣冠云是會葬者豐碑螭首
高屹雲不知訥墓何人文白楊樹下悲風起故鬼啾啾語新鬼
幾家寒食奠酒漿幾處宿草眠牛羊華表不歸千載鶴今古聚
成一邱貉君不見炙手可熱勢絕倫一朝棺槨纏其身門生故
吏各自去誰是墳前下馬人

城西曲贈胡竹坡應虛

城西柳枝三尺長與君同聽啼鶯忙城西落葉紛如雨與君同
送烏衣去燕去鶯來年復年治遊常傍酒壚眠招人帘影候檐
口盪破一角紅樓烟豈無姹女工數錢豈無吳姬解按絃忽然
曼聲起但見娛光眇視翩來前微風吹春燭花舞空裏行雲飄
似縷唱汝黃河遠上詞幾人能識旗亭譜人生知己不在多賞
音況復逢青蛾縱無盈斛珠諧價那不曾筵淚涌波此時千觴

辭不得此際三更聽漸急君自狂呼我已酣深杯瀉入銀河色
座中詫此兩少年似顛非顛仙非仙頻澆壘塊還催酒軟踏琉
璃欲上天君家舊住山陰道連日酒船來不少桃花開到隔江
山恰對西施鬢髻好美人隱隱翔雲端我欲從之道路艱感君
言語得人意能使腋下生羽翰來時共君行歸卽就君宿明月
在前頭忘却我家屋青楊白楊前後居團雪散雪離合殊人生
最愴黃墟別吾輩先愁綠髮疎行樂不及時流光容易誤但願
酒壘常照酒人聚倒佩歆冠能幾度他年毋忘城西路

瑞石洞

拔起市喧外嵌空萬竅靈雲衣如鶴白石氣得松青樓閣仙人
去林泉藥草馨少陽無限意樵唱接冥冥

讀放翁集

鐵馬金戈夢不成
熏爐茗椀寄餘情
蘇黃以外無其匹
梁益之間老此生
擊賊未忘垂釣日
臨終如唱渡河聲
長吟直與精靈接
千億梅花坐月明

初雪

爬沙一曲譜簾櫳
密灑斜飛態不同
對我青山蒙絮帽
待人粉本畫漁篷
濁醪已長前村價
黃葉纔空昨夜風
報與老農應色喜
鴉娘門外祝年豐

南潯舟中同問渠叔作

東西水柵市聲喧
小鎮千家抱水圓
敗齒印沙沽酒屐
檣頭抄路送租船
清風橋口三年夢
庚辰冬曾泊此太尉城邊一笑緣
文待詔泊南潯詩百年雲水原無定一笑江湖水浪遊點綴荒寒賴鳥相
小梅花壓幾梢偏

懷友人讀書湖上

林雨灑清磬湖風吹玉琴對門新水滿坐爾落花深鄭重名山
業艱難故紙心帶圍應更減日日有幽吟

過蓮社庵

徑盡菱蘆外人來田水間百年看老樹一角對遙山貝葉僧繙
熟蓮臺佛坐閒談禪有深味文字亦相關

南湖絕句三首

田家橋轉碧流通涼殺垂楊四面風瑟瑟全湖波不小暑名乞

與水晶宮

南湖一名白洋池四顧聞見錄白洋池在田家橋側菱荷池然鷗鷺雜集號小水晶宮

漁船擘過水邊扉明滅湖光潑釣磯荷葉已高花尚欠一痕乾
雪鷺鷺飛

老僧頭白話張家捨宅碑荒壤樹遮消受一竿煙水活黃梅雨

過叫蝦蟆

楊萬里和張功用詩
南湖水幾年

觀夜潮

高樓極目大江寬爲待潮生夜倚闌隔岸忽沉燈數點如山湧
到雪千盤魚龍捲地秋風壯星斗搖天海氣寒明月漸低聲已
歇一枝塔影臥微瀾

雲林寺訪慧朗上人

石頭路滑亦何辭曳杖來尋瘦阿師有約白雲迎客起貪看紅
葉到門遲住山要乞安心法呈佛何妨本色詩踏遍松陰欲歸
去泉聲十里晚風時

送客渡江

西風吹柳盡無處挽長條且醉故人酒送君乘暮潮言經梅福
里相訪稽山樵隔江明月照余夢亦迢迢

沙河晚歸

落日收墟市飛鴉亂夕天峭寒渾赴暝野水自生烟月在諸峰
外僧歸一聲邊前途漸燈火城堞望蒼然

荅友二首

枯桐不能語切切縈人思空腹生蛛網沒世待子期士甘蒿蔓
瘦不羨酒肉肥乞米無故人魯公亦忍飢蘭芳自爲賞折之欲
贈誰朝來得素書乃是我友遺上言崇明德下言感別離承君
廣惠問報君無異詞願共千里心勿以中道歧白璧易受玷素
衣易成緇偶中於所貪那得復悔之春風吹楊柳靡靡搖參差
高雲在天上黃鵠相從飛

鉛刀無良割緡牛徒外榮何如杜元凱胸有武庫兵愚智三十
里渺若河漢驚蠹魚走廚簾聚書多鬼名此腹何負公不使相
拄撐古來課士法經史以歲程賤生懼學晚未由涉登閱持斷

問輪扁材藉大匠成載屨伐木篇願言求友生子倘能我來嚶
嚶有同聲子倘不我來踽踽吾獨行

劉春及廷楷齋中賦水仙

懷之渺渺見娟娟相憶相逢各有緣高格白描燈上候小窗清
供雪晴天湖頭廟已寒泉薦海上琴誰古調傳願借微波託心
素今宵月落未能眠

新燕篇

去年別我落葉飛今年花發仍來歸幾日南園生綠草一條古
巷閃烏衣烏衣有情工軟語珠箔玲瓏招故侶東風歷歷問寒
喧夕照呢呢學兒女海棠雨過樂春酣令節剛逢三月三辛苦
營巢防戊己綢繆定戶向東南南戶拓芹泥暖落成賀以晴
雲盈隔牆何處簇樓臺別院誰家鬧絃管豪華炙手近欲噴井

文細畫梁無塵翩翩每見釵頭化窈窕從教掌上珍金魚牢合
雲埋戶重聽螿螿鳴社鼓窗底憑泥打玉箏樓頭有女悲朱縷
極睇休疑路阻修眼前猶自挂瓊鈎年來年去渾如夢飛絮飛
花攬作愁相依還說貧家好故壘當時非草草一翦香黏杏樹
紅全身避入梨花縞花邊樹外久留連送上秋千人比肩豈無
絳衫飄艷豔豈無繡帶舞翩翩衫痕帶影同上下輕身學得和
春盪黑暗嫌經戶網兜黃昏怕觸簾旌響門外參差柳插高得
時百鳥共求曹莫因北去憂鷓鴣莫爲東飛念伯勞羨爾雙棲
同旂旒朝日曛曛睡新起頻頻喜報畫堂前又引雛穿碧陰裏
感恩惟有主人多主人欲別嗟奈何明朝相送橫塘路無限深
情勝綠波

春暮東周澄源 春旭

三月已半花亂飛花飛日日漸花稀白蘋何處風正急黃鳥不知春欲歸湖裏外添荷葉小陌東西夾桑陰肥斜陽未落光景好待子來敲白板扉

城南徐氏宅觀牡丹分賦得九言體

輕陰連日欲雨不雨天清明已過尚在穀雨前城南主人邀我看花去到門便聽蜂子聲喧闐雕欄屈曲一幅青幔護羊燈蕩漾四角流蘇懸不知姚家魏家誰氏種黃者金粲紫者玫瑰鮮霞蒸雲湧頃刻開百朶似有羯鼓火速催花邊花頭如盤何止尺許大花身高透約略齊吾肩石家步障移自金谷至鄂君繡被堆向沙棠眠酣酣過卯常帶麴生醉亭亭正午試驗貓睛圓忽然花光捲起在空中際漫天柳絮正放春風顛人生看花須及花正好未必明日不付牛酥煎奉我蘭陵下若之美醞娛我高

山流水之清絃進我綠沉青鏤之彩筆索我批紅判白之新篇
廬陵記裏寫遍洛陽種沉香亭北句妙吟青蓮名花榮辱豈待
鯁生志平生富貴自有文人傳晚來只恐鹿女踏花去但賸水
牯歷亂斜陽偏不須評量十戶五戶賦火前火後有約期來年

遊宗陽宮

故宮德壽點烟蘿橋轉新宮去踏莎山影出雲高閣見松聲吹
雨半空多道人丹訣調龍虎老輩詩壇歛鶴鵝有約後遊乘月
夜吹笙重著羽衣過

東園

彌望東門菜荒塍稜稜分曉光餘冷露秋色有停雲記合伽藍
續名會富景聞淒音互相答蠶語太紛紛

鳳凰山懷古

松光透天天欲濕作勢蟠拏萬蛟立咫尺蒼茫不辨人厓山暗
捲寒濤入杭人故事說康王行宮十里營錢唐西湖花鳥奉宸
賞不與汴水同荒涼納涼閣幸翠寒堂講武還過御教場此時
此山入大內鳳凰爾在雲中翔百官環珮花漏午不知今者唯
斜陽嗚呼宴安鳩毒厚金牌竟阻黃龍酒風波獄起墮長城從
此中原非宋有嗚呼遊戲干戈生襄陽礮火燒空明笙歌夢轉
秋風急蟋蟀聲催白雁聲主失乾綱臣誤國撞壞家居良可惜
殘山留作畫圖看一片傷心天水碧鳳兮爾亦哀眼見宮
闕成蒿萊金支翠旗安在哉問月月已落看花花未開隔江風
雨諸陵來棠梨麥飯無人哭幾樹冬青怪鴟宿冷落鳳凰青隔
竹

秋夜湖上

湖鏡雙開裏外分臥虹十二界波紋魚龍高興同乘月雞犬誰
家只住雲隱隱鐘生昭慶寺沈沈樹暗岳王墳重煩老鶴迎人
出一路松風訪隱君

消寒絕句六首

今年人說是豐年臘我山厨晚未煙聽得鄰家勑板急夢隨饑
雁落霜田

磬頭山在屋頭堆磬口花于水口開不遇故人誰共賞打冰聲
裏一舟來

蕉敗西風柳敗霜尖尖驢耳葉偏長枇杷自是冬心樹白雪花
開照我牀

濕絮濛濛白戰天忍寒不肯裹衾眠破裘補綴十斤重壓倒詩
人山字肩

撓羅縣護山重重書訊山僧雪屋中煨芋豈闕宰相事
杖爬鑽子是家風

紉茅補屋野人忙入望寬閒稼滌場
一椽爛黃堆菜葉只添寒色助斜陽

簡舒古廉

紹言

君居我巷東望見我家樹
三日春雨深相思落花暮

湖上觀新綠

畫裏租來弄水船一枝柔艣綠陰邊
浮烟欲合全湖暝宿雨初晴萬樹圓
紫燕黃鸝相對語餘花晚筍各成妍
春愁獨我難消遣每到斜陽爲黯然

夏曉同舒古廉周澄源渡湖至丁家山

人語烟際生沿流舟暗轉清風善發豪
孤岫倏迎面就竹微徑

連梯苔仄屐踐湖光所來處巖啟扉兩扇漸積夏綠寒全奪鼉
采絢遙心赴空濶近狀收峭蒨路絕蹤久迷境關勝重選旣暢
榛穢除彌快泉脈見戛然琴筑音石溜迸如綫

繇靈石下玉鉤橋尋句曲外史墓

樵歌無遠近聽之清滿山送我如御風飄蕩嵐翠閒松篁杳莫
數蘿薜紛可攀百梯陟窈窕兩崖束孱顏徐釋苔步窘行習澗
語潺緬彼凌雲人千載遺珮環摘葉吟許繼折麻情更關林阿
掩遙夜時有鸞鶴還

登風篁嶺遂達龍井

幽篁不見天中有山鬼語諦聽憬風泉潄浚何處所澄心愜虛
受清響赴遙佇峰高望疑秋樹密步忘暑屢怵草徑深終窘屐
齒阻蒼茫雲不流慘變龍所處誠邀雷雨格乞荷瓢勺許居人

茶利收僧竈井華煮眷眷烟在林習習風吹汝相送過前溪遠
鐘飄一杵

晚入楊梅隴宿師子林

山情悄然孤招客共雲入樹古無新香瀾漫清氣襲久聞金姥
名惜欠林果拾風來韻疎磬日落閃斜笠烟中衆樵歸溪口一
僧立香火故荒涼茅茨近修葺澹泊味自存精進詣難及彌勒
許同龕吾先謀米汁

曉起冒霧出山沿九溪十八澗抵翁家山

芒屨已在足起望還徘徊迷空排步障推墮青崔嵬冥冥窈窕
間但聞泉響催習坎心自夷解駁風徐來微茫綫流注明白象
路同時逢奇峰獻竹影爲之開山深土自厚風古氣更培雞犬
別成村松竹爭緣俚旣幸虎警息共樂生計該茶園不苦瘠隙

地隨時栽

過理安寺觀法乳泉

嵐氣引西迴溪流逐南往亭午空山幽疎蟬遞清響入寺陰不
晴杪攏十圍長空花雜雨飛軟翠從風盪作禮繞空幢聽法造
方丈默攝山君馴阿師信龍象神通見彼法淵照貴吾黨欲論
逝者因相期在川上

還經烟霞嶺尋石屋洞

歸步候日昃涼塗快衣單遂循峰九折旋度磴幾盤風行羣篠
碧煙裊纖蘿寒哈呀隱洞門眴轉窺井幹行行穿雲入軟踏如
波瀾冥示諸佛變虛拓大厦寬狀詭絕穿鑿勢動連蟠蜿凝膏
霏玉乳叩訣迷金丹塵埃亮難蛻林湫良可歡摩霄仰黃鵠安
能借羽翰

秋郊晚眺二首

城堞去已遠亭臯望欲迷
頽陽流影澹歸翼撲涼低
苔約橫前渡瓜棚倒舊畦
蕭閒殊自賞草履若爲稽
亦有伊人慕渺然天已霜
丹黃羣木合明滅一波長
萬態紛搖落浮生易老蒼
笛聲衰草起隱隱下牛羊

楊丈硯雨

華

畫梅見貽賦謝

閉門風雪裏春色一枝來
幽夢分明見孤山昨夜開
影常橫瘦月花不落疎苔
他日林泉約株株似此栽

雪霽

佳晴物態轉冥冥
晝裏何人屐齒經
老樹悄迷羣鶴白
破窗寒納一峰青
行穿竹隔尋梅隔
溫罷茶瓶續酒瓶
殘滴聲聲敲玉碎
負暄好傍短檐聽

同人買舟出東新關暮抵橫塘宿胡氏古香書屋明日
曉起由半山橋入三塔觀梅得詩四首

昨夜生春水乘流放畫船照人山剩雪出郭浦多烟興猛探花
始吟豪命酒先誰家籬落近竹外一燈偏

艷曲唱橫塘金尊罷燭房美人此遙夜清夢落匡牀隔戶禽如
語窺簾月有香相思雲水遠心已墮蒼茫

欲訪梅多處行逢水盡時橋迴通曲陽花好見橫枝深雪聞遙
磬春風護短籬爲留香影在斜日故遲遲

禪師埋骨地塔繞萬花寒明月前身是青山四面看齋廚飢雀
下定樹瘦蛟蟠試問傳燈意山僧欲話難

視雨丈自三塔歸畫梅數十幀以其一貽余且曰不可
無咏因作二絕句報之

君家畫梅楊補之吾家畫竹梅沙彌晴梢雨葉無人會奉勅村
梅見此枝

枝枝不用寫橫斜萬丈花光萬樹遮不到臯亭人不識月明如
雪雪如花

春燕和劉春及韻

今年燕到過春分依舊營巢補綴勤破屋數間偏戀我落花三
月正思君條條古巷濛濛絮處處香泥軟軟芹半日疎簾相待
久歸來時節又斜曛

送硯雨丈還京

柳絮滿煙汀萋萋草又青去知君莫挽愁覺我難醒春水流鄉
夢天風動客星江南到江北吳語正須聽

黃葉

古水荒郵外西風葉葉深徑多樵子踏秋約酒人尋遠色明諸
嶺斜陽淡一林六朝金粉在付與亂蛩吟

皇親巷邵家園歌

城西落葉飛如雨切切陰蟲啼菜圃比屋難尋列戟家居民只
賸淘沙戶荒池闐寂不逢人斷井頽垣跡已陳爲訪前朝徵故
事頗聞古巷住皇親皇親舊是小家子有女深閨嬌莫比得價
甘拋在掌珠入宮安望還鄉水才華絕代動君憐幾暇聽吟紅
藥篇位進宸妃承寵渥封加壤子受恩先祇愁身閉葦蕤鎖眼
看宮槐黃又墮日影空隨鴉翅翻天顏罕遇羊車坐烏蟾變換
幾朝昏龍衣親拜娘娘尊去國思親悲帝子眼花頭白見神孫
外家尊禮踰前世一脈金張競奢麗御翰親題堯母門幣金催
建宜城第車如流水馬如龍墳咽通衢軟繡濃家恃高明忘鬼

瞰表修恩澤拓侯封明年詔起西湖墓漆棺入地三泉銅黃昏
路黑閃魚燈白日雲寒迷宰樹西風容易過繁華沁水田園屬
那家隴上已栽楊俾豆路旁誰問邵平瓜卽看歷劫山河壞轉
燭興亡同一喟泣別盤先銅狄傾負恩塞亦慮龍賣辛苦池臺
幾載營一朝狐兔竄榛荆每來喬木風烟裏如有名花嘆息聲
當時聞道推恩重嬋娟不許江南供似此婆心造福多尚應佛
號焚香誦遺澤曾無五世垂烏衣何處認門楣飄零金埒銅溝
夢惆悵山樞蟋蟀詩

剪橙小集二首

解天霜信最先知橘後光陰與爾期感舊不禁酸一點吳姬筵
上手搓時

剪刀聲裏脫枝輕香霧濛濛觸手生記得花時春未晚楚鄉細

雨作清明

雪中吳山晚望

莽莽排羣岫，茫茫漲夕天。
白生千樹月，寒失萬家烟。
禽鳥各歸去，江湖殊渺然。
只疑仙闕近，羽袂振翩翩。

雨霽

一樹晚烟霽，滿階生綠苔。
流鶯斜日外，能爲落花來。

西湖夜泛

水展琉璃箔，人乘書畫船。
蟲聲千葉雨，月氣一湖烟。
壞塔黃妃剝，清詩白傅傳。
勾留逢此夕，一半藕花邊。

秋日出遊得八絕句

峰頭雨洗夕，雲開屋後窗。
前亂髻堆一笑，青山如賺我十分秋。
色進城來

石卵勻圓枳徑通竹聲樓北水樓東幽人來踐西湖約洗手花
邊聽草蟲

松陰一席看煎茶老衲長眉鬢已華不怕秋寒山裏早白雲如
絮裏袈裟

赤山埠口日未斜黃妃塔頭烟半遮撐船竟渡湖南去秋在一
枝紅蓼花

一桁簷前挂短衣滿襟涼翠濕霏霏昨宵風雨前溪路荷葉遮
頭赤腳歸

老牯一羣角繭栗扣而歌之聲好聽牧笛不知何處和夕陽秋
水樹冥冥

汎汎烟波一道長扁舟幾日住橫塘黃花天氣聞新雁吹冷夜
深篷背霜

老甕紅泥乍拆開
雞頭竹下晚涼來
酒人好似楓林葉
一日斜陽醉一回

借施藻嵐故蔡柳堂鵬沈臞菴士鉉入楊梅隴訪三祇

上人留宿師子林同作二首

幽鳥話溪晚
林扉掩薄曛
好山都隔竹
凍磳易藏雲
此地茅茨熟
諸天梵唄聞
來先參米汁佛
見也欣欣
有僧如此少
小住亦爲佳
明月窺寒榻
孤窗逼峭崖
燈前落蒼鼠
夢裏健青鞋
半夜松濤發
身疑風雨偕

正月九日再同施藻嵐胡竹城沈臞菴遊楊梅隴用前

韻二首

不負看山約
重來未夕曛
新正多勝日
吾輩況閒雲
蕭寺參差見
清鐘斷續聞
禪師說法罷
猿鳥有餘欣

態秋扇唯防在篋疎

西風搖落滿關河惆悵年華逝水過去國最憐吳客早悲歌無
奈楚人多青衫幾度飄枯葉苦酒經年釀敗荷又是高樓聞笛
處白蘋江上落空波

極北羣山萬笏朝屬車豹尾計程遙帳圍白草宵談虎箭響青
山曉射雕樵採漸平埋骨壘邊防罷唱築城謠長楊未獻相如
渴巖穴何人起寂寥

秋日同人東園小集得鐘字

徑穿野圃少人逢問字扉開載酒從楓葉繁華驚過鳥菜根滋
味聚寒蛩墻低易豁看山眼菴近頻聞出巷鐘瑟瑟芙蓉風一
片隔池何處採芙蓉

冬菜十二韻

有正味齋詩集卷一終
自蓄三冬記園官供可能薦辛盤裏未抽甲雨中曾液引渠流
注肥經土氣蒸青蟲飢蝕葉黃蝶瘦穿脰好藉濃霜壓全和夕
照登多情成把送求益足斤稱擇地攤干本當風挂一繩甕材
隨處覓鹽價應時增丁倒埋塵窖清饒出酒燈咬根宜我輩食
澹比山僧美味甘于肉寒聲脆似冰茅檐逢歲晚此色正須矜

有正味齋詩集卷二目錄

錢塘 吳錫麒 聖徵

嚴江集

富陽

雨中過七里瀧作歌

嚴州

春草四首

贈王擬園明府 廷勳

寓齋感懷

江亭晚眺

食筍

棚民謠

龍山飛瀑歌

江上泛舟

聞竹城近遊越中詩以寄之

遊天寧寺

韓蘄王將臺三首

胥口

歸舟載茉莉珠蘭數種際晚香氣尤烈以酒賞之

余自嚴江歸聞沈臞菴病劇急往視之但及一執手而

已哭之以詩

湖上看雨

晚泊湯家埠

江夜

江山船曲四首

游高峰山登浮圖絕頂

江岸晚行

漁父詞

秋感三首

寒曉

夜觀烏龍山野燒

待雪

聽雪

掃雪

煮雪

余將歸杭擬園爲畫山水贈別詩以報之

自嚴州歸錢唐舟行濡滯獲覽山水之勝凡六日得六
百言

庚寅春再赴嚴江同舍弟錫麟舟中作

東湖曲二首

子陵魚

午日江上

讀詩經七首

同景笠人大本暨舍弟錫麟登臨江亭作

桐廬晚泊

韜光庵

靈隱道中

秋闈報罷仍至嚴江諸同好賦詩送別舟中感懷寄會

四首

舟行阻風信宿江上三首

釣臺謁嚴子陵祠

江上雜詩五首

遊澄溪道院

祖師庵

晚渡

全栢渡遇雪

雪中經子陵釣臺

鵝港

桐廬道中寒雪初晴月色皎潔

長山隴復雪

泊富陽郭外遙望赤亭諸山

有正味齋詩集卷二

錢塘 吳錫麒 聖徵

巖江集

富陽

人語鄉音雜朝炊其繫船江流成字曲漁陣合圍圓避雨雙鷗
去猥雲一塔偏赤亭知不遠颯颯響松泉

雨中過七里瀧作歌

蒼蒼茫茫江一面雨入江光吹不見前灘後灘白如練有風頃
刻七里過無風奈此七里何忽然雨勢挾風至但聽來船爭唱
順風歌我船甘讓來船走好景篷窗相待久望窮寒水竹迴環
洗出青山艣前後牧童自驅黃犢回漁郎正放鷓鴣來笠檐蓑
袂盡鄰舍對江幾扇柴門開丹青未見今見此水外是山山外

水客到先愁無路通鷗飛但見和雲起雲中雨歇山出泉蜿蜒
千丈樹杪懸雷車行空合衆籟雪瀑過眼飄虛煙此時憶殺嚴
先生羊裘孤擁寒不輕我欲松門一杯醉苔荒路滑無人行傳
聞名利人不泊釣臺下扁舟獨縱橫問我胡爲者玉壺買春雨
堪賞尺半白魚新出網飲酣抱甕卧船頭聽得舟人齊拍掌數
枝柔艣劃玻璃百幅蒲帆眼底齊夕照乍明風亦轉行行一路
畫眉啼

嚴州

不斷雲春樹頂鳴眼前催卸片帆明寒生側側羊裘薄風動蕭
蕭釣竹輕塔影迎人趨晚渡灘光送雨入春城荒臺草滿千年
後誰與江山作主盟

春草四首

東風吹轉燒痕蘇陌上青青半有無十日雨晴熏蛺蝶一江水
暖長蘼蕪淒迷如夢如煙裏晚晚飛花飛絮俱多少鷓鴣啼處
客年年腸斷洞庭湖

高接林巒低水濱遠同點黛近成茵但尋門巷渾無路豈爲天
涯減卻春塞北至今青冢在江南相望綠波新萋萋送別先愁
我不獨江淹是恨人

萬種無名各自芳不關秋到也蒼涼酒杯寂寞澆寒食燕子徘徊
認夕陽一徑牛羊風笛亂六朝金粉砌臺荒分明恨碧消難
得斷鏃猶埋古戰場

夢醒池塘幽鳥鳴滿簾春色映新晴青袍似我休相妬白髮如
渠亦易生楚客工吟遺佩在王孫不見暮雲橫憑誰寫向闌干
曲一半煙痕畫不成

贈王擬園明府

廷勳

離家三百里來與山水期建德非吾土孟公語何悲我感故人
意不惜行李羈東軒爲下榻西舍爲治炊令子未弱冠佩玉有
容儀一鋤如舅長早能讀舅詩樹木已長成不用相扶持君於
聽訟下時一來銜卮君官亦自貧我貧特甚之相與話蹤跡涓
涓無畢詞君才有根柢我學徒毛皮讀書我已晚讀律我豈知
然知有赤子所當慎鞭笞嚴陵好山水不能療寒飢以我飢寒
故彌爲當境思山田歲苦瘠公家賦易虧桑柘見尙稀無蠶安
得絲牛刀付庖丁宰之視所宜聞君到縣日人頌慈惠師其名
不易副其實亦易爲但甘催科拙要以文學治清風吹廣袖寧
有丞尉疑白日照公庭寧有胥吏欺此心能慎重民已無瘡痍
知君自仁愛我語徒獻規春雨昨朝過炊煙動茅茨盈庭草新

長雜樹花更滋堂前罷公事長此鳴琴時堂後讀書聲美哉騏驥兒爲吏盡如此此樂不可支

寓齋感懷

瀟灑樓開見畫圖接天煙水晚模糊家從前日夢中到客有一星江上孤幽鳥不來春已歇青山無恙骨先癯補脣晞髮精靈在我欲雲中拍掌呼

江亭晚眺

一片江煙外荒荒落日寒暝光投隔岸詩思起憑欄花歇風生樹人喧月上灘歸途就燈火前渡正漁餐

食筍

掀泥看筍出頓頓食單俱燕子來三月櫻桃共一厨燒豬渾失味脫殼倩誰圖幾日南風拂成林尙憶無

江南筍多燕至時
生俗謂之燕來筍

棚民謠

古人受百畝死徒無出鄉食德服先疇愛土心自臧棚民爾何
爲遠適天一方短衣不掩胛泥塗走徬徨亂髮垂兩肩蓬葆吹
飛揚侏離多閩產荒忽雜楚僮冰霜陶穴墮風雨殺席擋盤據
山一角苦瘠不苦荒東岡蔣小麥西谷種雜糧所幸賦稅逃所
恃膂力剛其居如鹿豕其人卽牛羊筋骨耐辛苦性情實強梁
此輩驅之可奈何溷善良頗聞黔荆交來往羈苗疆占籍號客
戶隨身齋空囊淫淫毒霧間慘慘深箐傍顯託結納誠潛探肺
腑藏親密似兄弟叛換倏鬼俚誘之欲旣中劫以勢甚張作姦
黨胥吏挾詐欺公堂嘵嘵訟牘興巧言聽如簧官府持三尺顛
倒朱墨場政未除害馬風乃行貪狼羣生如草木長養蒙春陽
胡爲虺蜴生茲獨承其殃噬膚將及髓剜肉動見瘡氣結無由

申隄決終可防從來經濟術寬賴以猛匡治苗勿去莠厥疾藏
膏育書生非過計于理道其常是邑雖淳樸亦要懲蠱芒小則
憂鬪狼大且患寇攘我肱匪三折君網提一網清風賴掃滌山
色還蒼蒼屬爲民父母豈不樂太康焦頭悔已晚曲突謀毋忘

龍山飛瀑歌

皎如匹練懸長松瞥然飲澗垂孤虹黃華水簾我未見奇哉此
景今朝逢人言此山龍所伏我睹蜿蜒疑卽龍山窗看山山色
遠幾日對我雪濛濛陰陽氣澗蒸作雨天似有意驅龍公驪珠
百斛快傾吐咫尺翻倒鮫人宮晨朝淋漓翠微濕半壁已射朝
暎紅雲歸似水入山去水乃化雲浮在空初時一綫界飛白若
斷若續高高峰逡巡而下迷處所西峰源伏峰之東峰腰橫截
落泉底其上倒覆青芙蓉蒼茫竹栢蔽其下又訝去路何由通

寒濤迸石山欲雪仙籟滿耳天無風泠泠清似廣長古浩浩洗
我塵勞胸徑思枕流八山去明日好策仙人筇

江上泛舟

理柁寡所營尋煙歷江曲心隨僧磬往迹與漁謳逐風響林際
生潮痕沙畔縮當來若爲招屢轉不厭復夏木亦自寒波影蕩
空綠天懷亮有企人事幸不蹙淹留習忘疲斜照疑始旭肅肅
泉滿聽冥冥峰趁目眷言蘭茝歡古調會須續

聞竹城近遊越中詩以寄之

水雲天與不羈身鼓棹迢迢發興新一鋪常思埋醉骨千山獨
自走詩人也應嚴瀨懷良侶但到蘭亭及暮春有約歸舟同泊
處滿天秋色大江濱

遊天寧寺

風生曲徑晚涼偏翠合危樓鳥鼠穿偶遇老僧皆白髮只宜詩
句問青天江山過眼鷗同夢鐘鼓無聲佛坐禪搜剔殘碑文字
壞不知劫火闕何年

韓蘄王將臺三首

古洞飛泉走白虹高臺大樹激悲風徒煩狡兔營三穴真見將
軍落半空鼙鼓聲沉雲壑裏蟲沙夢雜漆林中穹碑藉表威名
重纔戰幫源已勒功

野血猶腥舊戰場誰驅此輩肆猖狂青山亦墮刀兵劫白骨終
讎花石綱盜賊有時關氣運英雄無策救危亡卽看名將中原
在已有柴車北走忙

勲業雲臺記爛如朝端又上中興書一星此地先生客半壁誰
家老將驢過耳風雷殊駭世回頭煙水似留余清溪賦罷招魂

句猿鳥能來問起居

胥口

遠岫一圭出清江四面低人家在雲裏深竹書眉啼

歸舟載茉莉珠蘭數種際晚香氣尤烈以酒賞之

灘光清不已一帆搖曳之天晚涼自生碧雲吹參差美人渺何許香意宛在茲依依山水外慰我長相思我飲就船頭月來花影移醉去此何夕滿篷風露時

余自嚴江歸聞沈履菴病劇急往視之但及一執手而已哭之以詩

無限淒涼對素琴曾于賤子託知音友朋實有家人意風雨寧渝生死心獨立無端斜照冷此情千古大江深但逢峰巖泉吟處認爾魂歸楓樹林

湖上看雨

青鞋纔得下琴臺忽響南山一道雷雙白鳥邊催陣起萬荷葉
上聽秋來涼生漁艇人吹笛醉倚湖光客引杯眼底菰蒲蕭瑟
易水龍吟激暮天哀

晚泊湯家埠

落緯煙林夕蕭疎畫不如水明雙鷺外秋冷一星初船板村家
屋魚乾野客蒹葭聞鸞鶴奏仙路近桐廬

江夜

萬峰壁立大江橫秋色連天露洗清但覺無船無月載不知是
水是風行隔汀孤鳥欲回夢逆浪老魚微有聲半夜月沉潮又
上漁燈流過蓼花明

江山船曲四首

江山船泊江上頭江山不隸隸嚴州上灘灘惡不愁汝官來捉
船愁復愁

船頭辛苦百丈牽船梢小婦喚同年坐客呼舟子曰同年妻曰同年嫂妻曰同年妹一生嫁娶

漁兒女只有儂家九姓船

女兒生小貌如花瀧裏青山比髻丫唱到鴛鴦可憐曲爭教遊
子不思家

上灘下灘往復來獨有江流去不回妾願郎如潮信準回頭只
在子陵臺

游高峰山登浮圖絕頂嚴州高峰山即北高峰與南高峰對

南峰無此高高峰面南時就目翠已明踏葉又幾里尋崖入深
窺人語竄驚雉其頭插浮圖深黑闕奇詭長風吹浩浩雷雨生
足底直窮最上層始復見斜晷瑟縮衣裳寒倒影墮江水荒波

馳四遠帆葉弄尺咫耳亂鈴鐸鳴目眩闕于倚不知飛鳥外秋色何處止茫茫沙草平渺渺漁歌起子陵不可招參軍今已矣俯仰千載名虛空一彈指突兀兩高臺青山常不死

江岸晚行

雨霽江無煙滿岸秋瑟瑟老翁打魚歸一蓑挂殘日

漁父詞

江湖初落山月沉半夜繫船楓樹陰箇裏不知何調苦大魚人立老龍吟

秋感三首

秋氣西來樹木疎登樓極目欲愁予一條江濶明蘆絮九月風高上鯉魚天地蒼茫窮鳥賦寒暄鄭重故人書田園芋栗收應早畫裏青山認舊廬

西風蕙酒一時休聽雨天涯悔浪遊紅葉黃花催昨日重山複
水送孤舟枯形可惜芙蓉晚冷語誰知蟋蟀愁甚欲區區懷抱
託隔汀片雪下輕鷗
月落深林琴罷彈美人遙望碧雲端風煙入鬢催成老砧杵同
聲送此寒宋玉文章騷體在陶潛心事酒杯寬尋常物理看俱
足葉自歸根水下灘

寒曉

夜氣猶未已清寒曉色連甯甯迷靄霧星月落虛煙客路長亭
外江流短夢邊但留霜葉在能表日華鮮

夜觀烏龍山野燒

松門月黑風亂旋山影下巖窗西偏非星而星山之巔幾點初
若流螢然升之樹杪紅燈懸俄而不見峰側穿倏又見之電掣

圓一峰突湧亭亭蓮前峰後峰跼萼連其下一珠龍抱眠烏龍
不烏光蜿蜒赤龍衙衙欲上天是何草木當蒲鞭百蟲將軍昇
爾權爾生爾殺爾白專象以齒焚蘭膏煎蕉夢不醒秋墳邊哀
哉牧火遺荒阡禍并玉石成灰煙我惜山黛蛾眉妍使彼濯濯
誠何愆有酒欲撰術不仙安得倒挽山下泉女丁婦壬驅爾併
遊山明日衣同褰

待雪

辛苦田家爲麥祈漸催寒信到山扉有時作暝籠深霧忽地穿
雲漏夕暉巷裏豹聲羣犬吠林梢墨點萬鴉圍朝來要聽兒童
報開徧梅花樹樹肥

聽雪

窗櫺緊護不教看作片成團撲紙乾大蟹時聞行郭索此君誰

與報平安瓊瑤欲碎黃昏急鵝鶴無譁白戰難折葦蕭蘆應念
到有人江上一篷寒

掃雪

曲背山童似畫灰先開竹徑後松隈一條乍可通幽屐幾點重
看糝綠苔落落難尋泥爪印團團只傍樹根堆不知滑澀深山
裏多少樵人沒骨來

煮雪

天上仙人重玉花人間相配有團茶絕無煙火憐衰徑但說羊
羔笑覺家蠅凍尙能吟鼎竅雀飢亦愛啄檐牙一般風味消殘
臘香放黃梅屋外斜

余將歸杭擬園爲畫山水贈別詩以報之

一番別意託斜曛贈我情如我欲云小雪年時愁作客青山畫

裏夢因君折梅有約憑春信煮酒重邀話夜分明發扁舟江上
望應添水墨寫歸雲

自嚴州歸錢唐舟行瀟滯獲覽山水之勝凡六日得六

百言

夙稟麋鹿姿叨竊山水福後篷低打頭芒屨緊縛足談笑狎滄
溟攀躋輕嶽麓今年嚴陵遊熊魚恣我欲猶留未了緣取快歸
途胃鬱情遞送迎灘勢互回復人家重漁釣生理資畜牧鳥曙
夢辭林猿夕聲流木夷猶信所往遲速豈煩卜不羨風七里請
緩帆一幅肯問井西翁于茲架笏屋浮嵐與煥翠畫格胸內熟
元胎剖氤氳精氣瀉淋漓往時卧遊觀到此真本讀迢迢富春
渚覽古緬芳躅東西兩高臺各有白雲宿跡甘寂寞守情因慷
慨觸無端泉石區亦入興亡局煌煌赤伏符慘慘冬青曲時來

雷雨奮運去魚龍感大澤羊裘容柴市黃冠戮高懸釣竿綸碎
擊如意竹此爲客星隱彼乃義士哭天地名並垂江山幸無辱
人生求不朽豈慮年壽促從來神仙侶貴以名節最前途訪桐
君云是彭佺屬延齡無金丹救世有藥錄我生織世界遑敢慕
辟穀願得多識字醫使骨不俗秘洞何人書蟲鳥篆巖腹夜深
縛炬照驚起白蝙蝠捫之鍾乳凝冷極不可掬天雞俄發唱林
端上初旭不見仙人廬還訪幽人築一第賜已遲三拜禮殊樸
時有吟聲留和以松謾謾回頭屢傾聽轉眼旋改矚柴埠數百
家土地占豐沃炊煙接冥冥稻把堆簇簇頗聞野人語時情少
鞭朴前日還官租今朝飽脫粟隣舍通欸洽婦子習敦睦田家
無別離歲晚理膏沐門前對遠山依樣蠶蛾綠山花畧安髻棉
布澗裁服提擔樂兒女喂飼愛雞鶩熱合羈旅人此意憾幽獨

吁嗟遠遊賦豈是幼而學善走逐駢蹄高飛企黃鵠醢雞守甕
天不肯自蹉跎明朝到富陽重向石尤祝進留傾老瓦醉聽赤
亭瀑陰陽異衰旺冬暖水不縮猶見羅刹潮餘勢極排蹴直待
嚴灘回波瀾始一束腰脚貴及時努力凌冥邈著鞭期祖生破
浪約宗慤千里忘險夷萬象歸蘊蓄行當春水生浩蕩白鷗浴

庚寅春再赴嚴江同舍弟錫麟舟中作

聽風兼聽水三度上江船遠樹霽寒雪一帆明夕煙人耽高隱
地山媚早春天正擁羊裘卧嵐光墜我前

好句忽飛到與吟惟子由江山如昨夢兄弟此扁舟野水爭灘
上閒雲爲竹留他年翦燈話毋忘富春遊

東湖曲二首

妾家東湖住湖水引相思流入西湖去回頭得幾時

湖中新種藕紅白盡開花朵采得蓮子勸郎休販茶

子陵魚

更比銀魚小來逢五月時上灘爭一兩出網罾千絲七箸情何
忍煙波味可知高名肯相借釣竹莫輕垂

午日江上

炊黍光陰感易生寥寥酒客一舟輕魚龍落日空江氣草木騷
人萬古情繞岸野蒲新長葉隔灘花鴨自呼名年年兒女橫塘
會滿耳漁歌夢不成

讀詩經七首

元音肇皇墳密藻振姬代篇什三千多孔筆刪疵類薪傳大小
毛紉繹發其昧鄭孔亦功臣揚藜闢前載采擷山海華辨晰蟲
魚碎後來考亭傳乃出弟子輩青衿廣疑問鹿洞語斯在何至

鄭衛辭專取淫奔穢無邪本詩教序義不可廢

忠厚王業開文武道不變周召以爲臣元氣浹之徧蔽芾樹不
伐碩膚貌如見二南始基之篇末有餘眷風以周公終雅以召
奭殿

楊柳送征夫雨雪猶未歸北山歌采芑南山歌采薇三復東山
篇入人情最微行人在天涯那不思其妃婦歎不可知宛然聞
獻歛千秋杜陵老此詣稱庶幾懷哉新婚別三見倉庚飛

我讀田園詩淵明信無匹下而及儲王言語亦樸實要其所本
來風雅提一律稼穡萬萬古耕種無異術盤中一日餐辛苦所
自出幽風七月陳祖德生民述農事以開基所重民之質

詩亡春秋作我思孟氏言株林與候人豈在平王前古惟南雅
頌用以被管絃列國自爲風無當金石宣東遷渺西望筍簋生

寒煙音官不達雅體製嗟誰傳樂亡詩乃亡王迹斯蕩然榛苓
竟何慕傷心黍離篇

周南取喬木江漢化所被維楚實有材屈宋斯繼起蘭旌懷美
人薜衣狀山鬼搗華涉荒幻託體自頌始入廟見辟王龍旂望
至止觀其求厥章要卽索祭是搜奇晤古懷寫怨細秋士騷人
今不見讀詩會微旨

吾家老著作

家文庵叔祖

弱齡授我詩穿穴箋與傳說之解我頤憶當

盛夏交灌木鳴黃離微微葛粉圻向我衣裳吹我時不解吟亦
復微會之江湖閱歷久十五載于茲我猶青其衿公已白其髭
轅固年五十弟子著于時如我悠悠者空習詩人詞潤色吾不
敢說蓋聞之師

同景笠人

大木

暨舍弟

錫麟

登臨江亭作

渺然葭菼助秋清
盡洗雲煙放眼明
遠嶺只如空翠合
涼湖多向夕陽生
幾家漁舍同依樹
一路樵歌唱入城
後約江湖情不淺
扁舟重待白鷗迎

桐廬晚泊

不覺風帆遠吹來
就此林亂山餘夕
照野水有秋心
聞道桐君去于今
苔徑深無由相問
訊獨對白雲吟

韜光庵

峰頭迷竹色
天上落泉聲
直闖雲煙入
如聞風雨生
到門無鳥語
采藥見僧行
忽豁登高目
江湖夕照明

靈隱道中

一峰高處白雲低
人到雲中路已迷
衣上不禁秋色冷
猿聲啼過夕陽西

秋閣報罷仍至嚴江諸同好賦詩送別舟中感懷寄禽

四首

寂寞孤舟上瀨時一燈重讀故人詩
郵程細雨和愁織水枕新寒祇夢知
潮到回頭隨岸曲帆當轉脚怕風欹
傷心同作悲秋客可奈天涯更別離

霜信寒催一雁鳴稻梁辛苦感吾生
且拋席帽看山色已悟霓裳是水聲
可惜此來紅葉落所思不見大江橫
平生出岫心原懶但乞閒雲作伴行

洗濯塵纓向水涯鷓鴣港口數峰斜
樵人斧爛收殘爽漁子船歸賸落花
莫倚竹弓能射鳴且思草屨學撈鰕
阻風中酒何曾慣強自題詩禽晚霞

一樣斜陽下學天堆盤粟栗憶從前
與鷗同白依然我此鬢能

青更幾年楊柳蕭疎臨水驛琵琶憔悴渡江船鯉魚今日將書
去流到尊邊定黯然

舟行阻風信宿江上三首

天際檣帆若蕪浮艱難始信上灘舟素波嫋嫋秋如此不是蘆
花也白頭

江上村村遠水明西風兩日滯行程肯留人在嚴灘住不信青
山不世情

可是江空月落時客愁多在枕邊知聽風聽水難禁得更聽舟
人唱竹枝

釣臺謁嚴子陵祠

肥遯先生志祠堂重此州一星終古客落日大江流帝業推銅
馬閒身狎野鷗誰傳男子在徒柱故人求幣乃同湯聘竿終笑

呂投功名輕驥足風雨老羊裘癡甚貽書霸狂哉洗耳由耦耕
仙侶其立傳逸民收我亦聞風起因來繫榜遊蒼蒼迷萬壑咄
咄感千秋大樹凋名將雲臺失列侯識誰陳赤伏亭已圯無獲
曰髮看遺像青山剩故坵幾傳綿子姓七里聚漁謳頑懦猶能
激孤高不可儔惟應竹如意遺響答峰頭

江上雜詩五首

灣頭小艇竹篙撐兩岸行人喚渡聲著箇鳥毳浮水去牧兒橫
坐看潮生

湍急灘鳴過釣臺臨江幾戶竹扉開楓人老作垂綸長一樹紅
衣入畫來

東臺西臺上下古漁家笛家左右鄰鳥下如聞樹頭雨風吹忽
見蘆中人

山重水複去帆遲
人道瀧中勝武夷
一日九迴重
又曲折教搖到斷腸時

暮煙孤驛樹濛濛
滴碎愁心雨
一篷昨夜停舟看
明月回頭只在亂山中

遊澄溪道院

日日對山色
不知山中幽
霜落風意晴
遂果茲山遊
深林綠相蔽
尺許松髯修
裂石走飛雨
春溪激回流
丹梯進百級
步出雲上頭
雲深不見雲
合沓羣峰秋
秋又數峰外
日落天悠悠
道人采藥回
見客殷勤留
雙扉開竹裏
竹杪茶煙浮
清響接猿梵
暝光動樵謳
豈無煙霞戀
惜未襪被謀
蔬菓旣飽德
僕夫俟前邱

祖師庵

鐘磬徐聞絕頂招
翠微高可逼青霄
泉穿竹下峰千尺
雲與人

爭路一條敢以癡羊疑古佛直將飛鳥視歸樵紛紛紅葉前溪
暗大半斜陽沒嶺腰

晚渡

一鳥入寒色數峰斜照餘江船來橘柚成影雜樵漁落木悲秋
氣浮雲念故居茫茫當渡立薄暮最愁予

空栢渡遇雪

孤帆若無依飄飄就寒浦豈有行役勞及茲感淒苦冥含林氣
肅凍結石棱古積陰如趁人慘異變亭午疎聲表初雪繁響雜
飛雨叢蘆易蕭條豐篠極掀舞來檣雲際辨去鳥煙外數棲止
難預謀捷徑爾何取牽蘿懷美人曾見茅茨補

雪中經于陵釣臺

潛姿非衆希清氣快獨得千山皓無際留此太古色川迴睇屢

延崖轉寒逾逼洞戶呀然開孤篷落其側客星中夜耀羊裘幾
人識煙波耦神仙巖壑寓寢食恍見白鳳騎因之遊八極

鵝港

沄沄響灘水颯颯吹谿風悄合雲四圍冷邊雪一篷微煙孤鳥
絕薄暝羣山空粉墨寫蕭瑟畫本非人工對江三五家閉戶多
漁翁磯頭凍罟開屋裏香醪豐歲晚野人樂旅泊行路窮稻梁
爾安覓飢雁吾其同

桐廬道中寒雪初晴月色皎潔

扁舟屢沿轉不厭風水聽况茲雪霽佳片月林外醒寒姿結竊
窅幽壑穿瓏玲雲歸微素合波往虛光停明明帆弄葉晶晶
開屏身在衆山中不知山色青巖端發清磬潭底搖疎星桐君
爾何人寂寞仙扉肩攜鋤采藥去歸來已千齡幽夢永今夕雞

唱天眞眞

長山隴復雪

朝發新城港午達長山隴風高破帆張寒勁孤衾擁掉尾遲玉
龍悠揚賈餘勇淒音爬沙續密勢折竹重隱隱辨松杉漫漫失
畦壠今年見三白此地宜首種俗名天麥地人須飯瓮儲我亦詩肩聳
鞵痕沒溪橋去躡樵夫踵

泊富陽郭外遙望赤亭諸山

江上雪初罷悄然人意孤炊煙認遙郭野水停征艫流聲噉猿
急急影歸鳥逋自憐歲寒心目暮猶江湖羈愁夢餘積素賞塵
外殊天光徹上下嵐氣游虛無緬懷赤松跡宛對藍田圖佳人
若爲招薜蘿思故吾會看三徑埽莫惜田園蕪

有正味齋詩集卷二終